

云对雨

雪对风

晚照对晴空

来鸿对去燕

宿鸟对鸣虫

成都古籍书店



声律启蒙



声律启蒙

笠翁对韵附

成都古籍书店

声 律 启 蒙

笠翁对韵附

成 都 古 籍 书 店 复 印
四 川 省 新 华 书 店 发 行
温 江 人 民 印 刷 厂 印 刷
一 九 八 一 年 五 月 第 一 版
一 九 八 二 年 一 月 第 二 次 印
印 数：二〇〇〇〇——三五〇〇〇册

平装一册 定 价：三 角 四 分

声律启蒙撮要卷上

衡山聂铎敏蓉峰重订

邵陵车万育双亭著

湘潭夏大观枫江笔

一东

云对雨 雪对风 晚照对晴空 来鸿对去燕 宿鸟对鸣虫 三尺剑

六钧弓 岭北对江东 人间清暑殿 天上广寒宫 两岸晓烟杨柳绿 一园

春雨杏花红 两鬓风霜途次早行之客 一蓑烟雨溪边晚钓之翁

三尺剑

【汉书】高祖为黥布流矢所中。医曰：可治。高祖曰：吾提三尺剑取天下，非命乎？命在天，虽扁鹊何益。

六钧弓

【左】定公侵齐，士皆坐列，曰：颜

高之弓六钧，皆取而传观之。

清暑殿

【洛阳宫殿簿】内有清暑殿。

广寒宫

【明皇杂录】明皇与申天师中秋夜游月宫，见榜曰广寒清虚之府。

沿对革 异对同 白叟对黄童 江风对海雾 牧子对渔翁 颜巷陋

阮途穷 冀北对辽东 池中濯足水 门外打头风 梁帝讲经同泰寺 汉皇

置酒未央宫 尘虑萦心懒抚七弦绿绮 霜华满鬓羞看百炼青铜

黄童白叟【韩】黄童白叟。踊跃欢呼。

颜巷陋【见论语】

阮途穷【晋书】阮籍率意独驾。车迹所穷。恸哭而返。

冀北【韩】伯乐一过冀北之野。而马群遂空。冀北。古幽都地。

辽东【广舆记】辽东。契丹东胡旧地。今号盛京。又曰辽东。

濯足【孺子歌】沧浪之水浊兮。

可以濯我足。

打头风【韵府群玉】石尤风。打头逆风也。

同泰寺【梁武帝传】帝常与高僧讲佛经于同泰寺。时天雨宝花而下。

未央宫【汉书】高祖天下

已定。置酒宴群臣于未央宫。见群臣礼数甚严。高祖乃叹曰。吾今日始知天子之尊也。

绿绮卓文君琴名。

青铜镜也。欧素丝悲青铜。曾巩水面磨青铜。

贫对富 塞对通 野叟对溪童 鬓皤对眉绿 齿皓对唇红 天浩浩

日融融 佩剑对弯弓 半溪流水绿 千树落花红 野渡燕穿杨柳雨 芳池

鱼戏芰荷风 女子眉纤额下现一弯新月 男儿气壮胸中吐万丈长虹

皤白也。

芰音忌。水果两角为菱。四角为菱。

眉月【鲍昭玩月诗】始见东南楼。纤纤如玉钩。未映西北堦。娟娟似蛾眉。

长虹【记】雨气也。气如白虹。

二冬

春对夏 秋对冬 暮鼓对晨钟 观山对玩水 绿竹对苍松 冯妇虎

叶公龙 舞蝶对鸣蛩 衔泥双紫燕 课蜜几黄蜂 春日园中莺恰恰 秋天

塞外雁雍雍 秦岭云横迢递八千远路 巫山雨洗嵯峨十二危峰

冯妇见孟子子。

叶公庄子叶公子高好画龙。天龙闻而下窥。叶公惊走。非好龙者。好似龙者也。

蛩音穷。本作蚤。一名蟋蟀。一名促织。今通作蛩。

雍雍诗雍雍鸣雁。

秦岭韩愈诗一封朝奏九重天。夕贬潮阳路八千。又一联云。云横秦岭家何在。雪拥蓝关马不前。

巫山广舆记巫山在夔州府巫山县大

江之滨。形如巫字。有二峰。

迢递远也。

嵯峨山高貌。

明对暗 淡对浓 上智对中庸 镜奩对衣笥 野杵对村舂 花灼烁

草蒙茸 九夏对三冬 台高名戏马 斋小号蟠龙 手擘蟹螯从毕卓 身披

鹤氅自王恭 五老峰高秀插云霄如玉笔 三姑石大响传风雨若金镛

交音康。箭音肆。

茸音戎。整音翔。整音广。

奩 【镜也。】

笥 【衣箱。】

杵 【用以捣物者。】

春 【碓也。】

灼烁 【光皎貌。】

蒙茸 【草乱貌。】

【苏子后赤壁赋】披蒙茸。

戏马

【南齐书】宋武帝在彭城。九日游项羽戏马台。

蟠龙

【晋书】初。桓温起斋。画龙于上。号蟠龙斋。后桓玄篡晋。刘毅起兵讨玄。至是居之。盖毅小字蟠龙。

蟹螯

【世说】晋毕卓嗜酒。语人曰。左手擎蟹螯。右手执酒杯。乐足一生矣。

鹤肇

【晋书】王恭尝披鹤氅行雪中。孟昶见曰。此真神仙中人也。

五老峰

【地輿记】庐山有五老峰。秀插云霄。李青莲诗。五老峰为笔。洋澜作砚池。

三姑石

【地輿志】南康有三姑石。响声若金镛。

仁对义

让对恭

禹舜对羲农

雪花对云叶

芍药对芙蓉

陈后主

汉中宗

绣虎对雕龙

柳塘风淡淡

花圃月浓浓

春日正宜朝看蝶

秋风

那更夜闻蛩

战士邀功必借干戈成勇武

逸民适志须凭诗酒养踈慵 【音穷。】

雪花

【坡公咏雪诗】天巧能开顷刻花。

云叶

【史记】黄帝与蚩尤战于涿鹿之野。常有五色云止于帝上。金枝玉叶有花之象。

陈后主

【纲鉴】后主叔宝。字元秀。在位七年为隋灭。

汉中宗

【纲鉴】讳询。武帝曾孙。在位二十五年崩。谥宣帝。

绣虎

【魏志】曹植七步成章。人号绣虎。

雕龙

【梁书】刘勰字彦和。撰文心雕龙十五篇。论古今文体。沈约善之。

慵

【懒也。】

三江

楼对阁 户对窗 巨海对长江 蓉裳对蕙帐 玉斝对银缸 青布幔

碧油幢 宝剑对金缸 忠心安社稷 利口覆家邦 世祖中兴延马武 桀王

失道杀龙逢 秋雨潇潇烂漫黄花都满径 春风裊裊扶疏绿竹正盈窗

刚。幔音漫。幢音窗。逢音庞。袅音鸟。

蓉裳【楚词】集芙蓉以为裳。蕙帐【北山移文】蕙帐空兮夜鹤怨。斝【诗】洗爵奠斝。【诗】洗缸灯也。幔帐也。

碧油幢【军幕也】金缸【一作珣】汉书：酃醪千珣。注：长颈。马武【汉书】马武，字子张，仕后汉，鸣剑抵掌，从光武破王寻，击郡

贼，列名云合。龙逢【纲鉴】夏桀失道，龙逢直谏，遂见杀。

旌对旆 盖对幢 故国对他邦 千山对万水 九泽对三江 山岌岌

水淙淙 鼓振对钟撞 清风生酒舍 白月照书窗 阵上倒戈辛紂战 道旁

系剑子婴降 夏日池塘出没浴波鸥对对 春风帘幙往来营垒燕双双

撞音庄。

淙音庄。岌音及。

九泽

【广舆记】吴越之间具区。楚云梦。秦杨纒。晋大陆。郑圃田。宋孟诸。齐海隅。燕钜鹿。并昭余祁。为九藪。藪即泽也。

三江

【禹贡】三江既入。蔡沈注。

三江在震泽下分流。东北入海为娄江。东南入海为东江。并松江为三江。韵府。三江乃钱塘。扬子。松江。一云松江。钱塘。浦阳。一云在苏州。

倒戈

【武成】前徒倒戈。盖纒士卒无心敌武王

而倒其戈也。

系剑

【纲鉴】汉刘邦元年冬月。王子婴素车白马系剑于道旁以降。婴始皇孙也。

全燕巢也。

铖对柄

只对双

华岳对湘江

朝车对禁鼓

宿火对寒缸

青琐闼

碧纱窗

汉社对周邦

笙箫鸣细细

钟鼓响拟拟

主簿栖鸾名有览

治中

展骥姓惟庞

苏武牧羊雪屡餐于北海

庄周活鮒水必决于西江

华岳

【广舆记】西岳华山。在陕西西安府华阴县。

湘江

【广舆记】潇湘。为三湘。湘源。为三湘。蒸湘。

禁官禁。

青琐

【后志】给事黄门

侍郎掌青琐。户边琐镂刻为连琐文而涂青也。闕。宫门。

栖鸾

【汉书】仇览字季智。又名香。先为蒲县亭长。后为主簿。王涣曰。枳棘非鸾凤所栖。

展骥

【蜀志】庞统字士元。

初令未阳。不治。鲁肃荐于先主曰。士元非百里才。使处治中别驾间。乃得展其骥足。按治中。别驾。皆府佐名。

牧羊

【汉书】苏武陷匈奴。不降。乃牧羊北海。单于置武于雪中。不与饮食。武卧啣雪。毡毛并啖之。

卧啣雪。毡毛并啖之。

活鮒

【庄子】市辙中鱼曰。岂无升斗之水活我乎。庄子曰。待我决西江之水而活汝。

四支

茶对酒

赋对诗

燕子对莺儿

栽花对种竹

落絮对游丝

四目颡

一足夔 鹁鸽对鹭鸶 半池红菡萏 一架白茶靡 几阵秋风能应候 一犁

春雨甚知时 智伯恩深国土吞变形之炭 羊公德大邑人竖堕泪之碑 韻音結 鹁音劬

鶴音谷 菡音個 苔音坦

四目 【姓氏譜】蒼頡。上古人。生而神聖。有四目。 一足 【孔丛子】魯哀公問孔子曰。吾聞夔一足。有異乎。信乎。子曰。昔重犁舉夔而進。欲求人佐焉。

舜曰。一夔足矣。非言止一足也。公曰善。 鹁鸽 【左】鹁鸽來巢。按。今八哥鳥。 菡萏 【詩】有蒲菡萏。注。有蒲菡萏。荷華也。 荼靡 【清異錄】荼靡曰白蔓郎。以開

也。白花 吞炭 【史記】趙襄子殺知伯。豫讓欲為主報仇。乃吞炭漆身。使襄子不備。 堕泪 【晉書】羊祜字叔子。武帝時鎮荊州。甚得民心。死葬峴山。百姓望其碑輒流涕。時人

称为堕泪碑。

行对止 速对迟 舞剑对围棋 花笺对草字 竹筒对毛锥 汾水鼎

峴山碑 虎豹对熊黑 花开红锦绣 水漾碧琉璃 去妇因探邻舍枣 出妻

为种后园葵 笛韵和谐仙管恰从云里降 橹声咿轧渔舟正向雪中移 咿音衣 轧音亚

毛锥 【五代史】张肇曰。安朝廷。定祸乱。直须大剑。斨枪。若毛锥子奚用哉。毛锥子谓笔也。 汾水鼎 【纲鉴】汉武帝得宝鼎于汾水。改元元鼎元年。

岷山碑 见前

探束 【汉书】王吉东家枣垂吉庭，吉妇探取以啖吉，吉知之，遂去其妇。东家闻之，欲伐树，乡里止之，请吉还妇。

拔葵 【古事苑】公仪休相鲁，食

于舍，茹葵而美，且见妻织布，曰欲夺园夫红女之利乎。因拔园葵，出其妻。

橹 所以行舟者。 吟轧 橹声。

戈对甲 鼓对旗 紫燕对黄鹂 梅酸对李苦 青眼对白眉 三弄笛

一围棋 雨打对风吹 海棠春睡早 杨柳昼眠迟 张骏曾为槐树赋 杜陵

不作海棠诗 晋士特奇可比一斑之豹 唐儒博识堪为五总之龟

青眼 【晋书】阮籍能为青白眼，对礼法之士以白眼，惟嵇康造之，乃见青眼。

白眉 【蜀志】马良字季常，眉有白毫，弟兄五人皆有才名，并以常为字，谚曰：马

五常，白眉最良。

海棠睡 【太真外传】杨太真初睡起，明皇笑曰：海棠春睡未足耶。

柳眠 【三辅故事】汉苑有柳如人，名人柳，一日三眠三起。

槐树

赋 【凉录】初，河右无柳，张骏之取于秦陇，植之皆死，独酒泉宫西北隅有槐生焉，因著槐树赋。

海棠诗 【王禹偁诗话】杜陵无海棠诗，以母名海棠也，陆放翁云：老杜不应无海棠

诗，意必失传耳。

一斑豹 【晋书】王子猷数岁，门生辈曰：此郎管中窺豹，时见一斑。

五总龟 【唐书】殷践猷博通经籍，号五总龟。

五微

来对往 密对稀 燕舞对莺飞 风清对月朗 露重对烟微 霜菊瘦

雨梅肥 客路对渔矶 晚霞舒锦绣 朝露缀珠玑 夏暑客思歇石枕 秋寒

妇念寄边衣 春水才深青草岸边渔父去 夕阳半落绿莎原上牧童归 歇音教 莎音梭

边衣 【按】汉唐以来四边多事，故从征者众，当秋寒，妇念其夫，则寄征衣。

宽对猛 是对非 服美对乘肥 珊瑚对玳瑁 锦绣对珠玑 桃灼灼

柳依依 绿暗对红稀 窗前莺并语 帘外燕双飞 汉致太平三尺剑 周臻

大定一戎衣 吟成赏月之诗只愁月堕 斟满送春之酒惟憾春归

灼灼 【诗】灼灼其华。

依依 【诗】杨柳依依。

三尺剑 见前。

戎衣 【武成】一戎衣天下大定。

声对色 饱对饥 虎节对龙旗 杨花对桂叶 白简对朱衣 龙也吠

燕子飞 荡荡对巍巍 春暄资日气 秋冷借霜威 出使振威冯奉世 治民

异等尹翁归 燕我弟兄载咏棣棠犇犇 命伊将帅为歌杨柳依依 龙音忙，犇音委。

虎节 节，所以示信者。【周礼】山国用虎，注：山多虎，故铸虎于节。

龙旗 【诗】龙旗十乘。

白简 【晋书】传性急，每有奏劾，或值日暮，捧白简坐以待旦。

朱衣【欧阳公诗】文章自古无凭据。惟愿朱衣一点头。昔公知贡举。每阅卷。觉旁有朱衣人点头。然后入格。 龙吠【诗】无使龙也吠。龙。犬也。 燕飞【诗】燕于飞。

冯奉世【汉书】冯奉世持节使西域。被破莎车。要功万里之外。赐关内侯。 尹翁归【汉书】尹翁归守东海。后迁扶风守。其治民。凡赏善。刑奸。除盗。息课。各异其等。

棠棣【诗】棠棣之华。鄂不泂泂。乃燕兄弟之诗。 杨柳【诗】杨柳依依。乃遣戍役之诗。

六鱼

无对有 实对虚 作赋对观书 绿窗对朱户 宝马对香车 伯乐马

浩然驴 弋雁对求鱼 分金齐鲍叔 奉璧蔺相如 掷地金声孙绰赋 回文

锦字窦滔书 未遇殷宗胥靡困傅声之筑 既逢周后太公舍渭水之渔【韵】

宝马【以珠宝之类 饰马勒。】 香车【魏志】武帝答杨彪书曰。今赠足下以四望通幃七香车二乘。 伯乐【注】见前。冀北下。 浩然驴【韵】

孟浩然尝于灞水冒雪骑驴寻梅花。曰。吾诗思在风雪中驴子背上。 弋雁【诗】弋兔与雁。 求鱼【孟子】缘木求鱼。 分金【史记】管仲曰。昔与鲍叔贾。分财我多

取。鲍叔不以为贪。知我贫也。 奉璧【列国传】赵得和氏之璧。秦欲以十五城易之。蔺相如奉璧入秦。见秦无意偿城。乃怒发冲冠。完璧归赵。 窦滔【齐书】苏蕙

之妻也。滔镇襄阳。携宠妾往。苏织锦成回文诗三首寄滔。后情好如初。 傅崱殷高宗梦傅说。乃图其形旁求天下。适说以胥靡筑于声。其形惟肖。爰立作相。胥靡。刑名。联系相随服役。

渭水太公钓鱼于渭。文王遇之。与之同载后车。

终对始 疾对徐 短褐对华裾 六朝对三国 天禄对石渠 千字策

八行书 有若对相如 花残无戏蝶 藻密有潜鱼 落叶舞风高复下 小荷

浮水卷还舒 爱见人长共服宣尼休假盖 恐彰已吝谁知阮裕竟焚车榻音合。渠音砌。

六朝【历代都会考】吴始都于建业。后东晋宋齐梁陈皆都焉。号六朝。 三国蜀魏吴。 天禄【汉书】刘向校书天禄阁。 石渠【汉书】萧何建石

渠以藏图籍。后成帝用以藏秘书。 千字策【文献通考】唐楷试以诗赋。至宋始定策试之制。限以千字。 八行书【孟浩然诗】家书寄八行。盖本马融寄窦尚书。内有两

纸八行语耳。 有若孔子弟子。 相如商相如。成国人。又司马相如。东汉人。 假盖【家语】孔子将出而雨。门人曰。商有盖。请假焉。子曰商为人短于财。吾闻与人交者

推长而违短。故久。吾非不知商有盖。恐不借而彰其过也。 焚车【晋书】阮裕字思旷。有好车。借无不给。有人葬母。意欲借而不敢言。裕闻之叹曰。吾有车而使人不敢借。何以车为。遂焚之。

麟对凤 鳖对鱼 内史对中书 犁锄对耒耜 畎浍对郊墟 犀角带

象牙梳 驷马对安车 青衣能报赦 黄耳解传书 庭畔有人持短剑 门前

无客曳长裾 波浪拍船骇舟人之水宿 峰峦绕舍乐隐者之山居曳音叶。裾音居。

内史 【即舍人官。】 东坡谢中书舍人表 【右史记言。已尘高选。西垣视草。复玷近班。】 中书 【广事类赋】 唐侍中书令。乃真宰相。以他官参长者无定。 乃 吠

浚 【周礼地官。千夫有浚。注。】 墟 【村墟。】 犀带 【大明诸司职掌朝服。二品用犀角。】 牙梳 【唐】 崔微嘲妓李端端诗。爱把象牙

梳掠鬓。昆仑顶上月初生。青衣 【白帖】 苻坚屏人作蔽文。有蝇入室。驱之复来。俄而人知有蔽。洁其所得。皆云有青衣人呼于市。坚曰。是前青蝇也。 黄耳 【述异记】 陆

机在洛阳。有犬名黄耳。能寄书抵家。短剑 【列国传】 燕丹使荆轲刺秦王。假为献图。图中藏药匕首。秦王觉。乃惊走。匕首。短剑也。 图中 长裾 【国策】 邹阳书曰。使臣饰固陋

之心。向王之门。而不可曳长裾乎。 七虞

七虞

金对玉 宝对珠 玉兔对金乌 孤舟对短棹 一雁对双鳧 横醉眼

捻吟须 李白对杨朱 秋霜多过雁 夜月有啼乌 日暖园林花易赏 雪寒

村舍酒难沽 人处岭南善探巨象口中齿 客居江左偶夸骊龙颌下珠 【捻音庆。骊音犁。】

玉兔 【楚词】 顾兔在腹。 金乌 【淮南子】 日中有踈乌。 谓月中有玉兔。 谓有三足金乌也。 棹 【舟也。】 醉眼 【陆放翁诗】 三万里天供醉眼。

吟须 【卢廷逊诗】 吟成一个字。 捻断数茎须。 李白 【号青莲。唐诗人。】 杨朱 【老子弟。】 过雁 【续垒客挥犀】 北方有白雁。秋深则来。来则霜降。河北人谓之

霜信。

啼乌 古有乌夜啼曲。

象齿

【南州异物志】象脱牙犹自爱惜。掘地藏之。人欲取。必作假牙代之。不令其见。见则后不藏故处。

骊珠 【庄子】河上翁有子。

没渊得千金之珠。翁曰。此珠在骊龙颌下。子能得珠者。遭其睡耳。使寤。子尚奚有哉。

贤对圣

智对愚

傅粉对施朱

名缰对利锁

挈榼对提壶

鸠哺子

燕调雏

石帐对郇厨

烟轻笼岸柳

风急撼庭梧

鸛眼一方端石砚

龙涎

三炷博山垆

曲沼鱼多可使渔人结网

平田兔少漫劳耕者守株 榼音合。涎音旋。

【缁】所以络马者。

榼 酒樽。

哺子

【尔雅】鸛哺子。朝自上而下。暮自下而上也。

调雏

【竹溪闲话】燕雏将长。其母调之使飞。

石帐

【晋书】石崇尝作锦丝步帐五十里。

郇厨

【世说补】唐韦陟封郇公。性好奢。厨中饮食错杂。人入其中多饱饮而归。

鸛眼

【砚谱】端溪砚石有鸛眼。

龙涎

【香谱】大食国出龙涎香。

博山

【李白诗】博山炉中沈香火。

结网

【董策】临川羡鱼。不如退而结网。

守株

【韩子】宋耕者见兔走触田中株死。

因释耕守株下。冀复得兔。

秦对赵

越对吴

钓客对耕夫

箕裘对杖履

杞梓对桑榆

天欲晓

日将晡

狡兔对妖狐

读书甘刺股

煮粥借焚须

韩信武能平四海

左思

文足赋三都 嘉遁幽人适志竹篱茅舍 胜游公子玩情柳陌花衢

箕裘 【礼】良冶之子，必学为裘。良弓之子，必学为箕。箕，屈柳枝成箔也。

哺日午

刺股 【国策】苏秦说秦不行，乃夜读，欲睡，则引锥自刺其股，血流

至足。

焚须 【唐书】李勣姊病，自为粥而焚其须。

韩信 【汉书】韩信佐高祖，平四

左思 【晋书】左思三都赋十年乃就，人争录

之。洛阳纸贵。

嘉遁 【易】嘉遁贞吉。遁，隐处也。

八齐

岩对岫 涧对溪 远岸对危堤 鹤长对凫短 水雁对山鸡 星拱北

月流西 汉露对汤霓 桃林牛已放 虞坂马长嘶 叔侄去官闻广受 弟兄

让国有夷齐 三月春浓芍药丛中蝴蝶舞 五更天晓海棠枝上子规啼

鹤长凫短 【庄子】鹤颈虽长，断之则悲。凫颈虽短，续之则悲。

汉露 【汉书】武帝造金茎玉盘以承露。

汤霓 成汤征伐天下，民集之若大旱之望云霓。

桃林 【周书】武王克商，归马华山之阳，放牛桃林之野。

虞坂 【韩子】骐驎困盐车，负而上虞坂。顾伯乐而长鸣，知其识已也。

去官 【汉书】疏广，字仲翁，为太子

太傅。兄子受为少傅。广谓受曰：知足不辱，知止不殆。功成身退，天之道也。上疏乞归田。

让国 【史记】伯夷、叔齐，孤竹君之二子。父欲立叔齐，伯夷曰：父命也。遂逃去。

子规 杜鹃也。